

1871

C O D I C E S

1872

tera animalia homo dicitur esse liberi arbitrij et dominus proposito-
rum suorum &c. Sunt Sermones numero LVII. et postremus Sab-
bato in quatuor temporibus finit: eterne et beate vite bona. Ad quam vitam nos perducatur ihesus marie filius qui est in secula benedictus Amen. Adjectus est manu Sec. XV. Elenchus Casuum Excommunicationis et Suspensionis a Communionem, quem in Germania scriptum probant inspersa Vernacula Kirichprwchl, Kirichdieb, et Aufreytter der weingart oder achker oder pawm.

III. fol. 113. ἀνεργεαφως sequuntur magno numero Sermones de Festis Domini, B. V. M. et Sanctorum per anni circulum, adjunctis Sermonibus de Comuni SS. ad quos Lector in Festis minus celebribus saepe remittitur. Sermo primus est De sancto Nicolao confessore, et incipit: Thezaurus desiderabilis oleum in habitaculo iusti. Prou. 21. Consuetudo est in istis magnis curijs quod aliter prouidet rex tunc quando ingreditur bellum &c. Non dubitem et hos Sermones ad Nicolaum Asculanum referre, cui citati Bibliothecarii Sermones de Sanctis tribuunt, alicubi, ut ajunt, forte latentes. Inter eos geminum de undecim millium virginum fol. 152. p. 2. et fol. 162. p. 2. reperiri miror. Saepe per decursum, et maxime in fine Sermonum monetur Orator: Dic historiam; unde uides, Adparatum potius esse, quam Sermones elaboratos. Finis est in S. Dominico et ejus ordine: quia

armati sunt armatura illius, que demonum potentiam subiugauit scilicet marie virginis, que dedit eis habitum. Et dic qualiter et fac finem. Amen. Subdidit Scriba jocularis: Explicit per manus et non per pedes.

IV. fol. 184. accedit a manu recentiore Συλλογη Sermonum uariorum, qui fortasse Nicolai Asculani Supplementum sunt, nihilque offerunt notatu dignum, sed illos praecedat Elenchus interpretum sacrorum Librorum, e quo ridicula quaedam adscribam: Ad Philippen. zu den versmebern, qui plus philipendebant doctrinam quam omnes greci. Ad Galathas: zu den muetern. Ad Colonicen. proprio nomine redditur ab aqua colonia ubi Jobannite sedent. Numeri. Das puch der czal oder der iuden rayfung vber dew wuchst (Wüste). Apocalypsis. Das puch der gotlichen taugen &c. Thecae Codicis interius fragmentis membranis Talmudicis currente calamo exaratis conuestitae sunt.

DCCLXXX.

Codex membraneus lat. Sec. R. 934
XIV. Folior. 164. f. per duas columnas nitide, multis tamen uocum contractionibus exaratus, fronte deaurata et coloribus distinctus, olimque Collegii S. J. Viennae hunc minio Titulum praefert: Incipit postilla super euuangelia dominicalia tocius anni exceptis quadragesimalibus edita a fratre francisco de ciuitate astensi de ordine fratrum minorum. Dominica

1873

H O M I L E T I C I .

1874

minica prima aduentus domini. Initium est: *Erunt signa in sole et luna et stellis &c. Luce 21. Quamuis ihesus christus in morte cuiuslibet singulare iudicium secundum merita et demerita iuste exerceat. tamen quia tale iudicium nobis est occultum. et quo ad penam et quod ad gloriam imperfectum. et etiam solum respectu hominum et non demonum. ideo necesse est vniuersale iudicium omnium similiter viuorum et mortuorum in fine mundi esse futurum. Quaeuis Postilla in plures Partes literales primum, dein morales abit, quaeuis Pars divisionibus scatet. Ita v. g. Postilla III. Humilitas est boni conservatiua. Sui uilificatiua. A malo preseruatiua. In Iohanne Baptista commendatur Diuine gratie conseruacio ex testimonii ueritate. Humane sufficientie uilificatio ex nominis proprietate. A mentis turbacione preseruacio ex obprobrij humilitate. &c. Ita similiter desinentia sectabantur sacri illi Oratores ad res ope rythmi memoriae firmiter imprimendas. Locis PP. saepe utitur Noster, de temporis uero sui moribus vix quidquam adfert. Ultima Postilla est in Dom. XXIV. post Pentec. et finit: *si vultis penas eternas euadere et ad celestem patriam feliciter peruenire. quod nobis prestare dignetur &c. Paulo plus de hoc Homileta dixi,**

quod eum typis nunquam vulgatum putem. Codices aliquot mss. indicat *Mazzuchellius Scritt. d'Ital. T. I. p. 13.* fuit enim cognomine Noster *Abati* seu *de Abbatibus*, aut *Alvatus. Waddingus* in *Scriptt. O. M.* ei etiam *Quadragesimale* tribuit, nihil tamen de illius aevo, quod teste Codice nostro saltem Seculum XIV. fuit. Popularis erat duorum *Astefanorum* Ordinis sui, neque cum illis confundendus. Habes illos apud *Waddingum*, *Mazzuchellium*, etiam *Fabricium*.

DCCLXXXI.

Codex membranaceus lat. Sec. R. 3094 XIV. Folior. 112. 4. nitide exaratus et minio distinctus hac rubrica est: *Incipit opus fratris Sibotonis de sanctis per totum annum. Videlicet a Festo D. Andreae Ap. usque ad Festum D. Caeciliae V. et M. Sermones vel potius Sermonum primae Lineae de quouis Festo sunt 2 — 5. Initium hujusmodi: Ligauerunt Achior ad arborem manibus ac pedibus ac uinctum eum de restibus dimiserunt. Judith VI. In huius superficie historie quatuor uerba occurrunt ad honorem beati Andree pertinentia. que sunt digna laude. que sunt causa passionis. sanctitas uite. genus mortis. consummatio felix &c. Ad calcem:*

Finito libro sit laus et gloria christo. Viuat qui scripsit. Viuat qui scribere iussit.

Fol.